


唐詩類苑





唐詩類苑第十九卷

仁和卓明卿澂父編輯

華亭張之象玄超

長洲毛文蔚豹孫同校

京都部

京都

太宗帝京篇十首

秦川惟帝宅函谷壯皇居綺殿千尋起離宮百雉餘  
連甍遙接漢飛觀迴凌虛雲日映層闕風煙出綺疏

二



唐詩類苑 卷之十一 七言 七  
巖廊罷机務崇文聊駐輦王匣啓龍圖金繩披鳥篆  
常編斷方續縹帙舒還卷對此乃忘憂歎案觀墳典

三

移步出詞林停輿欣武宴凋弓寫明月駿馬疑流電  
驚鴈落虎絃啼猿悲急箭闕賞誠多美於茲乃忘倦

四

鳴笳臨樂館眺聽歡芳節急管韻朱絃清歌疑白雪  
彩鳳肅來儀玄鶴紛成列去茲鄭衛聲雅音方可悅

五

芳辰追逸趣禁苑信多奇橋形通漢上峯勢接雲危

煙霞交隱映花鳥自參差何如肆轍迹萬里賞瑤池

六

飛蓋去芳園蘭橈遊翠渚梁間日影亂落處香風舉  
桂楫浦中川絃歌振長嶼豈獨汾河曲方爲歡宴所

七

落日雙闕昏迴輿九重暮長煙引初碧皎月澄輕素  
褰幌翫琴書開軒引雲霧斜漢耿層閣清風搖玉樹

八

歡樂難再逢芳辰良可惜玉酒泛雲壘蘭肴陳綺席  
千鐘合堯禹百獻諧金石得志重寸陰忘懷輕尺璧



九

建章歡賞夕二八盡妖妍羅綺昭陽殿芬芳瑋瑁筵  
珮移星正動扇掩月初圓無勞上玄圃卽此對神僊

十

以茲遊觀極悠然獨長思披卷覽前踪撫躬尋旣往  
望古茅茨約瞻今蘭殿廣人道惡高危虛心戒盈蕩  
奉天竭誠敬臨民思惠養納善察忠諫明科慎刑賞  
六五誠難繼四三非易仰庶得敦化敷方嗣云亭響

駱賓王帝京篇一首

山河千里國城闕九重門不覩皇居壯安知天子尊

皇后帝甲嶠函谷鶉野龍山侯甸服五緯連影集星  
纏入水分流爲地軸秦地重關一百二漢家離宮三  
十六桂殿陰岑對玉樓椒房窈窕連金屋三條九陌  
麗城隈萬戶千門平旦開複道斜通鳩鵲觀交衢直  
指鳳凰臺劔履南宮入簪纓北闕來聲名冠寰宇文  
物象昭回鈎陳肅蘭祀璧沼浮槐市銅雀應風迴金  
莖承露起校文天祿閣習戰昆明水朱卽抗平臺黃  
扉通戚里平臺七里帶崇墉炊金饌玉待鳴鐘小堂  
綺帳三千戶大道青樓十二重寶蓋雕鞍金絡馬蘭  
窓綉柱玉盤龍綉柱璇題粉壁映銚金鳴玉王侯盛



唐詩類苑 卷之十九 下 王侯貴人多近臣朝遊北里暮南隣陸賈分金將讌  
喜陳遵投轄正留賓趙李經過密蕭朱交結親丹鳳  
朱城白日暮青牛紉幘紅塵度俠客朱彈垂楊道娼  
婦銀鈎採桑路娼家桃李自芳菲京華遊俠事輕肥  
延年女弟雙鳳入羅敷使君千騎歸同心結縷帶連  
理織成衣春朝桂尊七百味秋夜蘭燈七九微翠幌  
朱簾不獨映清歌寶瑟自相依且論三萬六千是寧  
知四十九年非古來名利若浮雲人生倚仗信難分  
始見田實相移奪俄聞衛霍有功勳未厭金陵氣先  
開石擲文朱門無復張公子灞亭誰畏李將軍相顧

百齡皆有待居然萬化感應改桂枝芳氣已銷亡柘  
梁高宴今何在春去春來若自馳爭名爭利徒爾爲  
久留郎署終難遇空鎖相門誰見知當時一旦擅豪  
華自言千載長驕奢倏忽搏風生羽翼湏臾失道委  
泥沙黃雀徒巢桂青門遂種瓜黃金銷鑠素絲變一  
貴一賤交情見紅顏宿昔白頭新脫粟布衣輕故人  
故人有湮淪新知無意氣灰死韓安國羅傷翟廷尉  
已矣哉歸去來馬卿辭蜀多文藻楊雄事漢乏良媒  
三冬自矜誠足用十年不調幾遭迴汲黯薪逾積孫  
弘閣未開誰惜長沙傳獨負洛陽才



宋之問長安路一首

秦地平如掌層城出雲漢樓閣九衢春車馬千門且  
綠柳開復合紅塵聚還散日晚閉鷄場經過狹斜看

盧照鄰長安古意一首

長安大道連俠斜青牛白馬七香車玉輦縱橫過主  
第金鞭絡繹向侯家龍銜寶蓋承朝日鳳吐流蘇帶  
晚霞白丈遊絲爭繞樹一群嬌鳥共啼花啼花戲蝶  
千門側碧樹銀臺萬種色複道交窓作合歡雙闕連  
甍垂鳳翼梁家畫閣天中起漢帝金莖雲外直樓前  
相望不相知陌上相逢詎相識借問吹蕭向紫煙曾

經學舞度芳年得成比目何辭死願作鴛鴦不羨仙  
比目鴛鴦真可羨雙去雙來君不見生憎帳額繡孤  
鸞好取門簾帖雙燕雙燕雙飛繞畫梁羅幃翠被鬱  
金香片片行雲著蟬鬢纖纖初月上鴉黃鴉黃粉白  
車中出含嬌含態情非一妖童寶馬鉄連錢娼婦盤  
龍金屈膝御史府中烏夜啼廷尉門前雀欲栖隱隱  
朱城臨玉道遙上翠幃沒金堤挾彈飛鷹杜陵北探  
丸借客渭橋西俱邀俠客芙蓉劍共宿娼家桃李蹊  
娼家日暮紫羅裙清歌一轉口氛氲北堂夜夜人如  
月南陌朝朝騎似雲南陌北堂連北里五劇三條控



三市弱柳青槐拂地垂佳氣紅塵暗天起漢代金吾  
千騎來翡翠屠蘇鸚鵡杯羅襦寶帶爲君解燕歌趙  
舞爲君開別有豪華稱將相轉日回天不相讓意氣  
由來排濯夫專權判不容蕭相專權意氣本豪雄青  
虬紫燕坐春風自言歌舞長千載自謂驕奢凌五公  
節物風光不相待桑田碧海須臾改昔時金堦白玉  
堂卽今惟見青松在寂寂寥寥揚子宅年年歲歲一  
床書獨有南山桂花發飛來飛去襲人裾

儲光羲長安道二首

西行一千里暝色生寒樹暗聞歌吹聲知是長安路

又

鳴鞭過酒肆袂服遊倡門百萬一時盡含情無片言

岑參憶長安曲寄龐灌二首

東望望長安正值日初出長安不可見喜見長安日

又

長安何處在只在馬蹄下明日歸長安爲君急走馬

李白當別金陵諸公一首

海水昔飛動三龍紛戰爭鐘山危波瀾倒側駭奔鯨  
黃旗一掃蕩割壤開吳京六代更霸王遺跡見都城  
至今秦淮間禮樂秀群英地勢鄒魯學詩騰顏謝名



唐詩類苑 卷之十九 七 蘇齋題本  
五月金陵西祖余白下亭欲尋廬峯頂先選漢水行  
香爿紫煙滅瀑布落太清若攀星辰去揮手緬含情

李白金陵歌送別范宣一首

石頭巉巖如虎踞凌波欲過滄江去鐘山龍盤走勢  
來秀色橫分歷陽樹四十餘帝三百秋功名事跡隨  
東流白馬小兒誰家子秦清之歲來閔囚金陵昔時  
何壯哉席捲英豪天下來冠蓋散爲煙霧盡金輿王  
座成寒灰扣劍悲吟空咄嗟梁陳白骨亂如麻天子  
龍沉景陽井誰歌玉樹後庭花此地傷心不能道日  
下離離長春草送爾長江萬里心他年來訪南山皓

李白金陵二首

晉家南渡日此地舊長安地卽帝王宅山爲龍虎盤  
金陵空壯觀天塹淨波瀾醉客迴橈去吳歌且自歡

又

地擁金陵勢城廻江水流當時百萬戶夾道起朱樓  
亡國生春草王宮沒古丘空餘後湖月波上對江洲

又

六代興亡國三杯爲爾歌苑方秦地少山似洛陽多  
古殿吳花草深宮晉綺羅併隨人事滅東逝與滄波

李白南都行一首



南都信佳麗武闕橫西閔白水真人居萬商羅罽闥  
高樓對紫陌甲第連青山此地多英豪邈然不可攀  
陶朱與五穀名播天壤間麗花秀玉色漢女嬌朱顏  
清詞遏流雲艷舞有餘閑遨遊盛宛洛冠蓋隨風還  
走馬紅陽城呼鷹白河灣誰識卧龍客長吟愁鬢班

張說鄴都引一首

君不見魏武草創爭天祿群雄睚眦相馳逐晝攜壯  
士破堅陣夜接詞人賦華屋都邑繚繞西山陽桑榆  
汗漫漳河曲城郭爲墟人改代但見西園明月在鄴  
傍高塚多貴臣娥眉暇睽共灰塵試上銅臺歌舞處

惟有秋風愁殺人

李百藥賦得魏都一首

炎運精華歇清都寶命開帝里三方盛王庭萬國來  
玄武䟽遙墜金鳳上層臺乍進仙童藥時傾避暑杯  
南館招奇士西園引上才還有劉公幹疲病清漳隈

褚亮賦得蜀都一首

列宿光參井分芒跨梁岷沉犀對江浦駟馬入城闈  
英圖多霸跡歷選有名臣連騎簪纓滿含章詞賦新  
得上仙槎路無待訪嚴遵

虞世南賦得吳都一首



畫野通淮泗星躔應斗牛玉牒宏圖表黃旗美氣浮  
三分開霸業萬里宅神州高臺臨茂苑飛閣跨澄流  
江濤如素蓋海氣似珠樓吳越自有樂還似鏡中遊

杜甫建都十二韻一首

蒼生未蘇息胡馬半乾坤議在雲臺上誰扶黃屋尊  
建都分魏闕下詔闢荆門恐失東人望其如西極存  
時危當雪耻計大豈輕論雖倚三階正終愁萬國翻  
牽裾恨不死漏網辱殊恩永負漢庭哭遙憐湘水魂  
窮冬客江劔隨事有田園風斷青蒲節霜埋翠竹根  
衣冠空穰穰闕輔久昏昏願在長安日光輝照北原

杜甫江陵望幸一首

雄都元壯麗望幸歛威神地利西通蜀天文北照秦  
風煙含越鳥舟楫控吳人未枉周公駕終期漢武巡  
甲兵分聖旨居守付宗臣早發雲臺仗恩波起涸鱗

州郡部

州郡

王維送張舍人佐江州同薛據十韻一首

束帶趨承明守官唯謁者清晨聽銀蚪薄暮辭金馬  
受辭未嘗易當是方知寡清範何風流高文有風雅  
忽佐江上州當自潯陽下逆旅到三湘長途應百舍



香爐遠峯出石鏡澄湖瀉董奉杏成林陶潛菊盈把  
范蠡常好之廬山我心也送君思遠道欲以數行酒  
楊炯送豐城王少府一首

愁結亂如麻長天照落霞離亭隱喬樹溝水浸平沙  
左尉才何屈東關望漸賒行看轉牛斗持此報張華

楊炯送鄭州周司空一首

漢國臨清渭京城枕濁河居人下珠淚賓御促驪歌  
望極關山遠秋深烟霧多唯餘三五夕明月暫經過

張九齡送廣州周判官一首

海郡維蠻落津亭壯越臺城隅百雉映水曲萬家開

里樹桄榔出時禽翡翠來觀風猶未盡早晚使車迴

王維送李太守赴上洛一首

商山包楚鄧積翠藹沉七驛路飛泉灑関門落照深  
野花開古戍行客響空林板屋春多雨山城晝欲陰  
丹泉通虢略白羽抵荆岑若見西山爽應知黃綺心

王維送刑桂州一首

繞吹喧京口風波下洞庭赭旂將赤岸擊汰復揚舲  
日落江湖白潮來天地青明珠歸合浦應逐使臣星

王維送楊長史赴果州一首

袞斜不容憶之子去何之鳥道一千里猿啼十二時



官橋祭酒客山木女郎祠別後同明月君應聽子規  
孟浩然送謝錄事之越一首

清旦江天迥涼風西北吹白雲向吳會征帆亦相隨  
想到耶溪日應探禹穴奇仙書倘相示余在北山陲  
杜甫贈別鄭鍊赴襄陽一首

戎馬交馳際柴門老病身把君詩過日念此別驚神  
地濶峨眉晚天高峴首春爲於耆舊內試覓姓龐人  
李白送儲邕之武昌一首

黃鶴西樓月長江萬里情春風三十度空憶武昌城  
送爾難爲別嗚益惜未傾湖連張樂地山逐泛舟行

諾謂楚人重詩傳謝眺清滄浪吾有曲寄入棹歌聲

王昌齡奉贈張荊州一首

祝融之峯紫雲啣翠如何其雪嶺巖邑西有路綠石  
壁我欲從之卧穹嵌魚有心兮脫網苦江無人兮鳴  
楓杉王君飛舄仍未去蘇耽宅中意遙緘

張說四月一日過江赴荊州一首

春色沅湘盡三年客始迴夏雲隨北汎同日過江來  
水漫荊門出山平郢路開比肩羊叔子千載豈多才

杜甫送李功曹之荊州充鄭侍御判官重贈

一首



唐詩類苑 卷之十九 十一  
曾聞宋玉宅每欲到荊州此地生涯晚遙悲水國秋  
孤城一柱觀落日九江流使者雖光彩青楓遠自愁

李頎臨別送張諲入蜀一首

出門便爲客惘然悲徒御四方維一身茫茫欲何去  
經山復歷水百恨將千慮劔閣望梁州是君斷腸處  
孤雲傷客心落日感君深夢裏蒹葭渚天邊橘柚林  
蜀江流不測蜀路險難尋木有相思號援多愁苦音  
莫向愚山隱愚山路非近故鄉可歸來眼見芳菲盡

王勃杜少府之任蜀州一首

城闕輔三秦風煙望五津與君離別意同是宦遊人

海内存知己天涯若比隣無爲在岐路兒女共露巾

岑參醴泉東谿送程皓元鏡微入蜀一首

蜀郡路漫漫梁州過七盤二人來信宿一縣醉衣冠  
溪逼春衫冷林交宴席寒西南如噴酒遙向雨中看  
孫逖送斬十五侍御使蜀一首

天伸出霜臺行人擇吏才傳車春色送離興夕陽催  
驛遠巴江轉閑迎劔道開西南一何幸前後二龍來

李白送友人入蜀一首

見說蠶叢路崎嶇不易行山從人面起雲傍馬頭生  
芳樹籠秦棧春流遠蜀城升沉應已定不必訪君平



杜甫公安送李二十九弟晉肅入蜀余下沔  
鄂一首

正鮮柴桑纜仍看蜀道行檣烏相背發塞馬一行鳴  
南紀連銅柱西江接錦城憑將百錢卜飄泊問君平  
盧照隣劔州送別劉右史一首

金碧禹山遠閔梁蜀道難相逢屬晚歲相送動征鞍  
地險綿川咽雲凝劔閣寒倘寓忠孝所爲道憶長安  
盧照隣鄭司倉入蜀一首

離人丹水北游客錦城東別意還無已離憂自不窮  
隴雲朝結陣江月夜臨空閑塞疲征馬霜氛落草瀉

潘年三十外蜀道五千中送君秋水曲酌酒對秋風  
杜甫秦州雜詩一十七首

滿目悲生事因人作遠遊遲迴度隴怯浩蕩及閑愁  
水落魚龍夜山空鳥鼠秋西征問烽火心折此淹留  
又

州圖領同谷驛道出流沙降虜兼千帳居人有萬家  
馬驕珠汗落胡舞白蹄斜年少臨洮子西來亦自誇  
又

鼓角緣邊郡川原欲夜時秋聽殷地發風散入雲悲  
抱葉寒蟬靜歸山獨鳥遲萬方聲一槩吾道竟何之



又

城上胡笳奏山邊漢節歸防河赴滄海奉詔發金徽  
士苦形骸黑旌疎鳥獸稀那堪往來戍恨解鄴城圍

又

莽莽萬重山孤城山谷間無風雲出塞不夜月臨關  
屬國歸何晚樓蘭斬未還煙塵一長望衰颯正摧顏

又

聞道尋源使從天此路回牽牛去幾許宛馬至今來  
一望幽燕隔何時郡國開東征健兒盡羌笛暮吹哀

又

今日明人眼臨池好驛亭叢篁低地碧高柳半天青  
稠疊多幽事喧呼闕使星老夫如有此不異在郊垌

又

雲氣接崑崙滄海塞雨繁羌童看渭水使客向河源  
烟火軍中幕牛羊嶺上村所居秋草靜正閉小蓬門

又

蕭蕭古塞冷漠漠秋風低黃鵠趨垂雨蒼鷹飢啄泥  
薊門誰自北漢將獨征西不意書生耳臨衰厭鼓鞞

又

傳道東柯谷深藏數十家對門藤蓋瓦映竹水穿沙



唐詩類苑 卷之十九 九 瘦地翻宜粟陽坡可種瓜船人近相報但恐失桃花

又

萬古仇池穴潛通小有天神魚人不見福地語真傳  
近接西南境長懷十九泉何時一茅屋送老白雲邊

又

未暇泛滄海悠悠兵馬間塞門風落木客舍雨連山  
阮籍行多興龐公隱不還東柯遂踈懶休鑷髮毛班

又

東柯好崖谷不與衆峯同落日邀雙鳥晴天卷片雲  
野人吟險絕水竹會平分採藥吾將老童兒未遣聞

又

邊秋陰易夕不復辨晨光簷雨亂淋幔山雲低度墻  
鷗鷺窺淺井蚯蚓上深堂車馬何蕭索門前百草長

又

地僻秋將盡山高客未歸塞雲多斷續邊日少光輝  
警急烽常報傳聞檄屢飛西戎外甥國何得近天威

又

鳳林戈未息魚海路常難候火雲烽峻懸軍幕井乾  
風連西極動月過北庭寒故老思飛將何時議築垣

又



唐堯真自聖野老復何知  
晒藥能無婦應門亦有兒  
藏書聞禹穴讀記憶仇池  
爲報鴛鴦行舊鷓鴣在一枝

杜甫夔州歌十首

中巴之東巴東山江水開闢  
流其間白帝高爲三峽  
鎮夔州險過百年閑

白帝夔州各異城蜀江楚峽  
混殊名英雄割據非天  
意霸主并吞在物情

群雄競起向前朝王者無外  
見今朝比訝漁陽結怨  
恨元聽舜日舊簫韶

赤甲白鹽俱刺天閭閻繚繞  
接山巔楓林橘樹丹青

合複道重樓錦綉懸

瀼東瀼西一萬家江北江南  
春冬花背飛鶴子遺瓊  
藥相趁鳧雛入粳芽

東屯稻畦一百頃北有澗水  
通青苗晴浴狎鷗分處  
處雨隨神女下朝朝

蜀麻吳塩自古通萬斛之舟  
行若風長年三老長歌  
裏白帝攤錢高浪中

憶昔咸陽都市合山水之圖  
張賣時巫峽曾經寶屏  
見楚宮猶對碧峯疑

閨風玄圃與蓬壺中有高堂  
天下無借問夔州歷何



處峽門江腹擁成隅

杜甫夔州歌一首

武侯祠堂不可忘中有松柏參天長  
干戈滿地客愁破雲日如火炎天涼

唐詩類苑第十九卷終

唐詩類苑第二十卷

仁和卓明卿澂父編輯

華亭張之象玄超

長洲毛文蔚豹孫同校

邊塞部

總邊

太宗執契靖三邊一首

執契靖三邊持衡臨萬姓玉彩輝  
閔燭金華流日鏡無爲宇宙清  
有美璇璣正皎珮星連景飄衣雲垂慶  
戰武耀七德昇文輝九功煙波澄  
舊碧塵火息前紅



唐詩類苑 卷之十一  
霜野韜蓮劍闕城罷月弓錢撥榆天合新城柳塞空  
花銷恣嶺雪毅盡流沙霧秋駕轉競懷春冰弥軫慮  
書絕龍庭羽烽休鳳穴戍衣宵寢二難食旰食三  
剪暴興先廢除兇存昔亡圓蓋歸天壤方輿入地荒  
四海池京邑雙河洽帝鄉循躬思勵已撫俗愧時康  
元首佇鹽梅股肱惟輔弼羽賢崆嶺四翼聖襄城七  
澆俗庶反淳贊文聊就質已知隆至道共歡區宇一

許敬宗奉和執契靖三邊應詔一首

玄塞隔陰戎朱光分昧谷地遊窮北際雲崖盡西陸  
星次絕軒臺風衢乖禹服寰區無所外天覆今咸育

竄苗猶有孽戮負自貽辜踈網妖鯢漏盤藪恠禽逋  
鬣飛尚假息乳視慙稽誅乾靈振玉弩神畧運璇樞  
日羽廓遊氣天陣清華野昇暄光西夜馳恩溢東瀉  
揮袂靜崑炎開闕納流楮錦輶凌石地華纓羈大厦  
清臺映羅葉玄泚控瑤池駃鹿輸珍貺樹羽饗來儀  
輟餽觀化宇栖檠萃條支薰風交闔闕就日泛濛漪  
充庭延飲至絢簡敷春藻迎姜已創圖命力方論道  
昔託遊河乘再備商山皓欣逢德化流思效登封草  
張說送李侍郎迥秀薛長史季昶同賦水字

一首



漢郡接朝廷，函弁對烽壘。旌旗按部曲，文武惟卿士。  
薛公善籌畫，李相威都鄙。中冀分兩河，長城各萬里。  
藉馬黃金塞，蒐兵白狼水。勝敵在安人，爲君汗青史。

高適同呂員外酬田著作幕門軍西宿盤山

秋夜作一首

磧路天已秋，邊城夜應求。遙傳戎旅作，已報關山冷。  
上將頓盤坂，諸軍徧泉井。綢繆閩外書，慷慨幕中請。  
能使勲業高，動令氛霧屏。遠途能自致，短步終難騁。  
羽翮時一看，窮愁始三省。人生感然諾，何啻若形影。  
白髮知苦心，陽春見佳境。星河連塞絡，刁斗兼山靜。

憶君霜露時，使我空引領。

高適登百丈峯二首

朝登百丈峯，遙望燕支道。漢壘青冥間，胡天白如掃。  
憶昔霍將軍，連年此征討。匈奴終不滅，寒山徒草草。  
唯見鴻鴈飛，令人傷懷抱。

又

晉武輕後事，惠皇終已昏。豺狼塞瀍洛，胡羯爭乾坤。  
四海如鼎沸，五原徒自尊。而今白庭路，猶對青陽門。  
朝市不足問，君臣隨草根。

徐晶阮公體一首



秦王按劍怒發卒戍龍沙雄圖尚未畢海內已紛拏  
黃塵暗天起白日歛精華唯見長城外僵屍如亂麻

戴沐珽古意一首

窮秋朔風起滄海愁陰漲虜騎掠河南漢兵屯灞上  
羽書驚沙漠刁斗喧亭障閑塞何蒼茫邊烽遞相望  
弱齡負雄節俠客多招訪投筆棄書生提戈逐飛將

李白北上行一首

北上何所苦北上緣太行磴道盤且峻巉巖凌窮蒼  
馬足蹶側石車輪摧高岡沙塵接幽州烽火連朔方  
殺氣毒劍戟嚴風烈衣裳奔鯨夾黃河鑿齒屯洛陽

前行無歸日返顧思舊鄉慘戚冰雪裏悲號絕終腸  
尺布不掩體皮膚劇枯桑汲水澗谷阻採薪隴坂長  
猛虎又掉尾磨牙皓秋霜草木不可食飢飲零露漿  
歎此北上苦停驂爲之傷何日王道平開顏覩天光

胡浩大漠行一首

單于犯薊堞驃騎畧蕭邊南山木葉飛下地北海蓬  
根亂上天科斗連營大原道魚麗合陣武威川三軍  
遙倚仗萬里用馳逐旌旆悠悠靜瀚源鞞鼓喧喧動  
盧谷窮徼出幽陵吁嗟倦寢興馬蹄凍溜石胡毳煖  
生冰雲沙決漭天光閉河塞陰沈海色疑崆峒異國



唐詩類苑 卷之四 邊塞詩  
誰能託蕭索邊心常不樂近見行人畏白龍遙聞公  
主愁黃鶴陽春半岐路間瑤臺苑玉門閑百花芳樹  
紅將歇二月蘭皋綠未還陣雲不散魚龍水雨雪猶  
飛鴻鴈小山陣連綿不可極路遠辛勤夢顏色北堂  
萱草不寄來東園桃李長相憶漢將紛紜攻戰盈胡  
寇蕭條幽朔并韓君拜節偏知遠鄭吉驅旌坐見迎  
火絕烟沉右西極谷靜山空左北平但使將軍能百  
戰不須天子築長城

王維榆林郡歌一首

山頭松柏林山下泉聲傷客心千里萬里春草色黃

河東流流不息黃龍戍上游俠兒愁逢漢使不相識  
摩多樓子一首

從戎向邊北遠行辭密親借間陰山候還知塞上人  
張敬忠邊詞一首

五原春色舊來遲二月垂楊未挂絲即今河畔冰開  
日正是長安花落時

嚴武軍城早秋一首

昨夜秋風入漢關朔雲邊月滿西山更催飛將追驕  
虜莫遣沙場匹馬還

杜甫奉和嚴武軍城早秋一首



唐詩類苑 卷之十 邊塞部 五  
秋風嫋嫋動高旌玉帳分弓射虜營已收滴博雲間  
戍欲奪蓬婆雪外城

高適九曲詞三首

許國從來徹廟堂連年不為在壇場將軍天上封侯  
印御史臺中異姓王

二

萬騎爭歌楊柳春千場對舞綉麒麟到處盡逢懽洽  
事相看總是太平人

三

鉄騎橫行鉄嶺頭西看邏沙取封侯青馬只今將飲

馬黃河不用更防秋

楊敬述婆羅門一首

廻樂峯前沙似雪受降城外月如霜不知何處吹蘆  
管一夜征人盡望鄉

水鼓子一首

雕弓白羽獵初回薄夜牛羊復下來亭水河邊秋草  
合黑山寨外陣雲開

高適營州歌一首

營州少年厭原野皮裘蒙茸獵城下虜酒千鐘不醉  
人胡兒十歲能騎馬



唐詩類苑 卷之二十一 邊塞部 六  
童謠一首

八月無霜塞草青將軍騎馬步空城漢家天子西巡狩猶向江東更索兵

崔湜邊愁一首

九日蓬根斷三邊草葉腓風塵馬變色霜雪劍生衣客思秋陰晚邊師驛騎歸殷勤鳳樓上還袂及春暉

岑參北庭作一首

雁塞通鹽澤龍堆接醋溝孤城天北畔絕域海西頭秋雪春仍下朝風夜不休可知年四十猶自未封侯

高適部落曲一首

蕃軍傍塞遊代馬噴風秋老將垂金甲關支著錦裘  
瑠玕蒙豹尾紅旆插狼頭日暮大山下鳴笳漢使愁

崔顥鴈門胡人歌一首

高山代郡東接燕鴈門胡人家近邊解放胡鷹逐塞鳥能將代馬獵秋田山頭野火寒多燒霧裏孤峯濕作烟聞道遼西無聞戰時時醉向酒家眠

駱賓王邊夜有懷一首

漢地行逾遠燕山去不窮城荒猶築怨碣毀尚銘功古戍煙塵滿邊庭人事空夜闌明隴月秋塞急胡風倚伏良難定榮枯豈易通旅魂勞泛梗離恨斷征蓬



唐詩類苑 卷之二 邊塞部 蘇武封猶薄崔駰官不工惟餘北叟意欲寄南飛鴻

陳子昂答韓使同在邊一首

漢家失中策胡馬屢南驅聞詔安邊使曾是故人謨  
廢書悵懷古負劔許良圖出關歲方晏乘陣日多虞  
虜人白登道烽交紫塞途連兵屯北地清堦備東胡  
邊城方晏閉斥堠始昭蘇復聞韓長孺辛苦事匈奴  
兩雪顏容改縱橫才位孤空懷老臣策未獲趙軍租  
但蒙魏侯重不受謗臣誣當取金人祭還歌凱入都

杜審言贈蘇味道一首

北地寒應苦南庭戍不歸邊聲亂羌笛朔氣卷戎衣

兩雪關山暗風霜草木稀胡兵戰欲盡漢卒尚重圍  
雪淨妖星落秋深塞馬肥據鞍雄劔動挿筆羽書飛  
輿駕還京邑朋遊滿帝畿方期來獻凱歌舞共春輝

崔湜早春邊城懷歸一首

大漠羽書飛長城未解圍山川陵玉障旌節下金微  
路向南庭遠書因北鴈稀鄉關搖別思風雪故戎衣  
歲盡仍爲客春還尚未歸明年征騎返歌舞及芳菲

薊門

高適薊門五首

薊門逢古老獨立思氛氲一身既零丁頭髮白紛紛



勲庸今已矣不識霍將軍

二

漢家能用武開拓窮異域戍卒厭糟糠降胡飽衣食  
閔亭試一望吾欲涕沾臆

三

邊城十一月雨雪亂霏霏元戎號令嚴人馬亦輕肥  
羗胡無盡日征戰幾時歸

四

幽州多騎射結髮重橫行一朝事將軍出入有聲名  
紛云獵秋草相向角弓鳴

五

黯黯長城外日沒更烟塵胡騎雖憑陵漢兵不顧身  
古樹滿空塞黃雲秋殺人

高適薊中作一首

策馬自沙漠長驅登塞垣邊城何蕭條白日黃雲昏  
一到征戰處每愁胡虜翻豈無安邊書諸將已承恩  
惆悵孫吳事歸來獨閉門

李白出自薊北門行一首

虜陣橫北荒胡星耀精芒羽書速驚電烽火晝連光  
虎竹救邊急戎車森已行明主不安席按劍心飛揚



推轂出猛將連旗登戰場兵威衝絕幕殺氣凌穹蒼  
列卒赤山下開營紫塞傍孟冬風沙緊旌旗颯彫傷  
盡角悲海月征衣卷天霜揮刀斬樓蘭彎弓射賢王  
單于一平蕩種落自犇忙收功報天子行歌歸咸陽

高適自薊北歸一首

驅馬薊門北北風邊馬哀蒼茫遠山口豁達胡天開  
五將已深入前軍止半迴誰憐不得意長劍獨歸來

祖咏望薊門一首

燕臺一去客心驚笙鼓喧喧漢將營萬里寒光生積  
雪三邊曙色動行旌沙場烽火侵胡月海畔雲山擁

薊城少小雖非投筆吏論功還欲請長纓

安西

岑參武威送劉單判官赴安西行營便呈高

開府一首

熱海亘鉄門火山赫金方白草磨天涯胡沙犇茫匕  
夫子佐戎幕其鋒利如霜中歲學兵符不能守文章  
功業須及時立身有行藏男兒感忠義萬里忘越鄉  
孟夏邊候遲胡國草木長馬疾過飛鳥天窮超夕陽  
都護新出師五月發軍裝甲兵二百萬錯落黃金光  
揚旗拂崑崙伐鼓振蒲昌太白引官軍天威臨大荒



西望雲似蛇戎夷知喪亡  
渾驅大宛馬係取樓蘭王  
曾到交河城風土斷人腸  
塞驛遠如點邊烽互相望  
赤亭多飄風鼓怒不可當  
有時無人行沙石亂飄揚  
夜靜天蕭條鬼哭夾道傍  
地上多髑髏皆是古戰場  
置酒高館夕邊城月蒼蒼  
軍中宰肥牛堂上羅羽觴  
紅淚金燭盤嬌歌艷新粧  
望君仰青冥短翮難可翔  
蒼然西郊道握手何慨慷

王維送劉司直赴安西一首

絕域陽關道胡沙與塞塵  
三春時有雁萬里少行人  
首猶隨天馬蒲萄逐漢臣  
當令外國懼不敢覓和親

高適送李侍御赴安西一首

行子對飛蓬金鞭指鉄驄  
功名萬里外心事一杯中  
虜障燕支北秦城太白東  
離魂莫惆悵看取寶刀雄

張說送趙頤貞郎中赴安西一首

絕鎮功難立懸軍命匪輕  
復承遷相後珍重任賢情  
將起神仙地才稱禮樂英  
長心堪繫虜短語足論兵  
日授休明法星教置陣名  
龍泉恩已署燕頷相終成  
月窟窮天遠河源入塞清  
老夫操別翰承旨頌營平

臨洮

岑參發臨洮將赴北庭留別一首



唐詩類苑 卷之七 邊塞詩 十一  
聞說輪臺路連年見雪飛春風不會到漢使亦慙稀  
白草通疎勒青山過武威勤王敢道遠私向夢中歸

輪臺

岑參輪臺即事一首

輪臺風物異地是古單于三月無青草千家盡白榆  
蕃書文字別胡俗語音殊愁見流沙北天西海一隅

岑參首秋輪臺一首

異域陰山外孤城雪海邊秋來唯有鴈夏盡不聞蟬  
雨拂羶墻濕風搖毳幕羶輪臺萬里地無事歷三年

隴西

王維隴上行一首

負羽到邊州鳴笳度隴頭雲黃知塞近草白見邊秋

王維隴西行一首

十里一走馬五里一揚鞭都護軍書至匈奴圍酒泉  
關山正飛雪烽戍斷無煙

遼

駱賓王送鄭少府入遼賦得俠客遠從戎一首

邊烽警榆塞俠客度桑乾柳葉開銀鐫桃花照玉鞍  
滿月臨弓影連星入劍端不學燕臺客空歌易水寒



崔顥遼西作一首

燕郊芳歲晚殘雪凍邊城四月青草合遼陽春水生  
胡人正牧馬漢將日徵兵露重寶刀濕沙虛金鼓鳴  
寒衣著已盡春服與誰成寄語洛陽使爲傳邊塞情

磧

岑參磧西頭送李判官入京一首

一身從遠使萬里向安西漢月垂鄉淚胡沙費馬蹄  
尋河愁地盡過磧覺天低送子軍中飲家書醉裏題  
岑參歲暮磧外寄元撫一首

西風傳戍鼓南望見前軍沙磧人愁月山城犬吠雲

別家逢逼歲出塞獨離群髮到陽關白書令遠報君

燕支

王維燕支行一首

漢家天將才且雄來時謁帝明光宮萬乘親推雙闕  
下千官出餞五陵東誓辭甲第金門裏身作長城玉  
塞中衛霍才堪一騎將朝廷不數二師功趙魏燕韓  
多勁卒關西俠少何咆勃報仇只是聞嘗膽飲酒不  
曾妨刮骨畫戟雕戈白日寒連旗大旆黃塵沒疊鼓  
透翻瀚海波鳴笳亂動天山月麒麟錦帶佩吳鉤  
馳踏青驪躡紫駟拔劍已斷天驕臂歸鞍共飲月支頭



唐詩卷之九  
漢兵大呼一當百虜騎相看哭且愁  
教戰誰令赴湯火終知上將先伐謀

岑參過燕支寄杜位一首

燕支山西酒泉道北風吹沙卷白草  
長安遙在日光邊憶君不見令人老

陶翰燕歌行一首

請君留楚調聽我吟燕歌家在遼水頭  
邊風意氣多出身爲漢將正值戎未和  
雪中凌天山水上度交河大小百餘戰  
封侯竟蹉跎歸來灞陵下故舊無相過  
雄劍委塵匣空門惟雀羅王簪趙還妹  
瑤琴付齊娥

昔日不爲樂時哉今柰何

高適燕歌行一首

漢家烟塵在東北漢將辭家破殘賊  
男兒本自重橫行天子非常賜顏色  
撻金伐鼓下榆關旌旆逶迤碣石間  
校尉羽書飛瀚海單于獵火照狼山  
山川蕭條極邊土胡騎憑陵襍風雨  
戰士軍前半死生美人帳下猶歌舞  
大漠窮秋塞草腓孤城落日關兵稀  
身當恩遇常輕敵力盡關山未解圍  
鐵衣遠戍辛勤久玉筋應啼別離後  
少婦城南欲斷腸征人薊北空回首  
邊庭飄颻那可度絕域蒼茫無所有  
殺氣三時作陣



唐詩類苑 卷之四 塞 十一 李將軍 顧勳君不見沙場征戰苦至今猶憶李將軍

屈同仙燕歌行一首

君不見漁陽八月塞草腓征人相對併思歸雲和朔  
氣連天黑蓬襍驚沙散野飛是時天地陰埃遍瀚海  
龍城皆習戰兩軍鼓角暗相聞四面旌旗看不見昭  
君遠嫁已年多戎狄無厭不復和漢兵候月秋防塞  
胡騎乘冰夜渡河七塞東西萬餘里地與京華不相  
似燕支山下少春輝黃沙磧裡無流水金戈玉劍十  
年征紅粉青樓多怨情厭向殊鄉久離別秋來愁聽

擣衣聲

賈至燕歌行一首

國之重鎮惟幽都東威九夷制北胡五兵精卒三十  
萬百戰百勝擒單于前臨滹沱後沮水崇山沃野亘  
千里昔時燕山重賢士黃金築臺從隗始倏忽興王  
定薊兵漢家又以封王侯蕭條魏晉爲橫流鮮卑竊  
據朝五州我唐區夏餘十紀軍中武備赫萬祀彤弓  
黃鉞授元師墾土大漠爲內地季秋膠折邊草腓沿  
兵羽獵因出師千營萬隊連旌旗望之如火忽電馳  
匈奴懾竄窮髮北大荒萬里無塵飛隨家昔爲天下



唐詩類苑 卷之十 塞部 十五  
宰窮兵黷武征遼海風不競多死聲鼓卧旗拆黃雲  
橫六軍將士皆死盡戰馬空鞍歸故營時遷道革天  
下平白環入貢滄海清自有農夫已高枕無勞校尉  
重橫行

長城

太宗飲馬長城窟行一首

塞外悲風切交河水已結瀚海百重波陰山千里雪  
迥戍危烽火層巒引高節悠悠捲旆旌飲馬出長城  
寒沙連騎迹朔吹斷邊聲胡塵清玉塞羌笛詠金鉦  
絕漢干戈戢車徒振原隰都尉返龍堆將軍旋馬邑

揚麾氛霧靜紀功銘玄石荒裔一戎衣靈臺凱歌入

虞世南擬飲馬長城窟一首

馳馬渡河干流深馬渡難前逢錦車使都護在樓蘭  
輕騎猶銜勒疑兵尚解鞍温池下絕澗棧道接危巖  
拓地勲方賞亡城律詎寬有月閑猶暗經春隴尚寒  
雲昏無復影冰合不聞湍懷君不可遇聊持報一餐

袁朗飲馬長城窟一首

朔風動秋草清蹕長安道長城連不窮所以隔華戎  
規模唯聖作荷負曉成功鳥庭已向內龍荒更鑿空  
王閑塵捲靜金微路已通湯征隨北怨舜咏起南風



唐詩類苑 卷之十 十一  
畫野功初立綏邊事云集朝服踐狼居凱歌旋馬邑  
山響傳鳳吹霜華藻瓊釵屬國擁節歸單于款關入  
日落寒風起驚河被原隰零落葉已寒河流清且急  
四時徃役靜千載干戈戢太平今若斯汗馬意無施  
唯當事筆硯歸去草封禪

王翰飲馬長城窟行一首

長安少年無遠圖一生惟羨執金吾麒麟殿前拜天  
子走馬爲君西擊胡胡沙獵七吹人面漢虜相逢不  
相見遙聞鞞鼓動地來傳道單于夜猶戰此時顧恩  
寧願身爲君一呼摧萬人壯士揮戈迴白日單于濺

血汗朱輪歸來飲馬長城窟長城道傍多白骨問之  
耆老何代人云是秦王築城卒黃昏塞北無人煙鬼  
哭啾啾聲沸天無罪見誅功不賞孤魂流落此城邊  
當昔秦王按劍起諸侯滕行不敢視富國強兵二十  
年築怨聲冤九千里秦王築城何太愚天寶亡秦非  
北胡一朝禍起蕭牆內渭水咸陽不復都

涼州

涼州歌第一

漢家宮裡柳如絲上苑桃花連碧池聖壽已傳千歲  
酒天文更賞百僚詩



唐詩類苑 卷之十 邊塞詩 十七 按元周鼎本

二 朔風吹葉鴈門秋萬里煙塵昏戍樓征馬長思青海  
北胡笳夜聽隴山頭

三

開篋淚沾濡見君前日書夜臺空寂寞猶是紫雲車

排遍第一

三秋陌上早霜飛羽獵平田淺草齊錦背蒼鷹初出  
按五花驄馬餵來肥

二

鴛鴦殿裡笙歌起翡翠樓前出舞人喚上紫微三五

夕聖明方壽一千春

王之渙涼州詞二首

黃河遠上白雲間一片孤城萬仞山羌笛何須怨楊  
柳春風不度玉門關

單于北望拂雲堆殺馬登壇祭幾回漢家天子今神  
武不肯和親歸去來

王翰涼州詞二首

蒲桃美酒夜光杯欲飲琵琶馬上催醉卧沙場君莫  
笑古來征戰幾人回

秦中花鳥已應闌塞外風沙猶自寒夜聽胡笳折楊

唐詩類苑 卷之十 邊塞詩 十八 按元周鼎本



唐詩卷之六 卷之七 卷之八 卷之九 卷之十 卷之十一 卷之十二 卷之十三 卷之十四 卷之十五 卷之十六 卷之十七 卷之十八 卷之十九 卷之二十 卷之二十一 卷之二十二 卷之二十三 卷之二十四 卷之二十五 卷之二十六 卷之二十七 卷之二十八 卷之二十九 卷之三十 卷之三十一 卷之三十二 卷之三十三 卷之三十四 卷之三十五 卷之三十六 卷之三十七 卷之三十八 卷之三十九 卷之四十 卷之四十一 卷之四十二 卷之四十三 卷之四十四 卷之四十五 卷之四十六 卷之四十七 卷之四十八 卷之四十九 卷之五十 卷之五十一 卷之五十二 卷之五十三 卷之五十四 卷之五十五 卷之五十六 卷之五十七 卷之五十八 卷之五十九 卷之六十 卷之六十一 卷之六十二 卷之六十三 卷之六十四 卷之六十五 卷之六十六 卷之六十七 卷之六十八 卷之六十九 卷之七十 卷之七十一 卷之七十二 卷之七十三 卷之七十四 卷之七十五 卷之七十六 卷之七十七 卷之七十八 卷之七十九 卷之八十 卷之八十一 卷之八十二 卷之八十三 卷之八十四 卷之八十五 卷之八十六 卷之八十七 卷之八十八 卷之八十九 卷之九十 卷之九十一 卷之九十二 卷之九十三 卷之九十四 卷之九十五 卷之九十六 卷之九十七 卷之九十八 卷之九十九 卷之一百

柳教人意氣憶長安

孟浩然涼州詞一首

渾成紫檀金屑文  
作得琵琶聲入雲  
胡地迢迢三萬里  
那堪馬上送明君

伊州

伊州歌五首

秋風明月怨離居  
蕩子從戎十載餘  
征人去日慙慙囑  
歸鴈來時數寄書

二

彤圖曉闕萬鞍迴  
玉輅春遊薄晚開  
渭北清光搖草

樹州南嘉景入樓臺

三

開道黃花戍頻年  
不解兵可憐  
閨裏月偏照漢家營

四

千里東歸客無心  
憶舊遊掛帆遊  
白水高枕到青州

五

桂殿江烏對彫屏  
海鷺重祗應多釀酒  
醉罷樂高鐘

入破第一

千門今夜曉初晴  
萬里天河徹帝京  
璨璨繁星駕秋色  
稜稜霜氣韻鐘聲



唐詩卷之七 卷之七 十一 九 齊周

二  
長安二月柳依依西出流沙路漸微關氏山上春光  
少相府庭邊驛使稀

三  
三秋大漠冷溪山八月嚴霜變草顏卷旆風行宵渡  
磧銜枚雷掃曉應還

四  
行樂三陽早芳菲二月春閨中紅粉態陌上看花人

五  
君往孤山下煙深夜徑長轅門渡綠水遊苑遠垂楊

陸州

陸州歌第一

分野中峯變陰晴衆壑殊欲投人處宿開水問樵夫

二

共得烟霞逕東歸山水遊蕭蕭望林下寂寂坐中秋

三

香氣傳空浦妝花映薄紅歌聲天仗外舞態御樓中

排遍第一

樹發花如錦鶯啼柳若絲更逢歡宴地愁見別離時

二

唐詩類苑 卷之七 十一 九 齊周



唐詩類苑 卷之廿一 雜詩部 十一  
明月照秋葉西風響夜砧疆言徒自亂往事不堪尋

三

坐對銀缸曉停流玉筋痕君門常不見無處謝前恩

四

曙月當窓滿征人出塞邊畫樓終日閉清管爲誰傳

簇拍陸州

西去輪臺萬里餘故鄉音耗日應踈隴山鸚鵡能言語爲報閨人數寄書

豫章

李白豫章行一首

胡風吹代馬北擁魯陽關吳兵照海雪西討何時還  
半渡上遼津黃雲慘無顏老母與子別呼天野草間  
白馬繞旌旗悲鳴相追攀白楊秋月苦早落豫章山  
本爲休明人斬虜素不閑豈惜戰鬪死爲君歸克頑  
精感石沒羽豈云憚險難樓船若鯨飛波蕩落星灣  
此曲不可奏三軍髮成班

雲中

薛奇童雲中行一首

雲中小兒吹金管向晚因風一川浦塞北雲高心已  
悲城南木落堪腸斷憶昔魏家都此方涼風觀前朝



唐詩類苑 卷之十 邊塞部 十一  
百王千門曉映山川色雙闕遙連日月光舉杯稱壽  
求相保日夕歌鐘徹清昊將軍汗馬百戰場天子射  
獸五原草寂寞金輿去不歸陵上黃塵滿路飛河邊  
不語傷流水川上含情歎落暉此時獨立無所見日  
暮寒風吹客衣

唐詩類苑第二十卷終

唐詩類苑第二十二卷

仁和卓明卿徵父編輯  
華亭張之象玄超

長洲毛文蔚豹孫同校

邊塞部

塞垣

崔湜塞垣行一首

疾風卷溟海萬里揚沙礫仰望不見天昏昏竟朝夕  
見將軍兩進東拒復西摘蔽山張旗鼓間道潛鋒鏑  
精騎突曉圍奇兵襲暗壁十月邊塞寒四山江陰積



唐詩卷之十一  
兩雪鴈南飛風塵景西迫昔我事討論未嘗怠經筵  
一朝棄筆硯十年操矛戟豈要黃河誓須勒燕然石  
可嗟牧羊臣海上久爲客

李白留別于十一兄逖裴十三遊塞垣一首

太公渭川水李斯上蔡門鈞周獵秦安黎元小魚鮓  
兔何足言天張雲卷有時節吾徒莫歎羝觸藩于公  
白百大梁野使人悵望何可論旣知朱亥爲壯士且  
願束心秋毫裡秦趙虎爭血中原當去抱關救公子  
裴生覽千古龍鸞炳文章悲吟雨雪動林木放書輟  
劍思高堂勸爾一杯酒拂爾裘上霜爾爲我楚舞吾  
爲爾楚歌且探虎穴向沙漠鳴鞭走馬凌黃河耻作  
易水別臨岐泪滂沱

塞上

李白塞上曲一首

大漢無中策匈奴犯渭橋五原秋草綠胡馬一何驕  
命將征西極橫行陰山側燕支落漢家婦女無顏色  
轉戰渡黃河休兵樂事多蕭條清萬里瀚海寂無波

高適塞上一首

東出盧龍塞浩然客思孤亭埃列萬里漢兵猶備胡  
邊塵滿北溟虜騎正南驅轉關豈長策和親非遠圖



唐詩卷之十一 邊塞部 一  
惟昔李將軍按節臨此都總戎掃大漠一戰擒單于  
常懷感激心願效縱橫謨倚劍欲誰語関河空鬱紆

王維上塞曲二首

天驕遠塞行鞘裏寶刀鳴定是醉恩日今朝覺命輕

又

塞虜常爲敵邊風已報秋平生多志氣箭底覓封侯

郭元振塞上曲一首

塞外虜塵飛頻年出武威死生隨玉劍辛苦向金微  
久戍人偏老長征馬不肥仍聞酒泉郡已合數重圍

王維使至塞上一首

單車欲問邊屬國過居延征蓬出漢塞歸鴈入胡天  
大漠孤煙直長河落日圓蕭關逢候吏都護在燕然

塞下

李頎塞下曲一首

黃雲鴈門郡日暮風沙裡千騎黑貂裘皆稱羽林子  
金笳吹朔雪鐵馬嘶雲水帳下飲蒲萄平生寸心是

王昌齡塞下曲二首

蟬鳴桑樹間八月蕭關道出塞入寒寒處上黃蘆草  
從來幽并客皆共塵砂老莫作遊俠兒矜誇紫騮好

又



飲馬度秋水，水寒風似刀。平沙日未沒，黯黯見臨洮。  
昔日長城戰，咸言意氣高。黃塵是今古，白骨亂蓬蒿。  
又

秋風夜渡河，吹却鴈門桑。遙見胡地獵，備馬宿嚴霜。  
五道分兵去，孤軍百戰場。功多翻下獄，士卒但心傷。

高適塞下曲一首

結束浮雲駿，徧徧出從戎。且憑王子怒，復倚將軍雄。  
萬鼓雷殷地，千旗火生風。日輪駐霜戈，月魄絲瑠弓。  
青海陣雲直，黑山兵氣衝。戰酣太白高，戰罷旄頭空。  
萬里不惜死，一朝得成功。畫圖麒麟閣，入朝明光宮。

大笑向文士，一經何足窮。古人昧此道，往往成老翁。

李白塞下曲三首

天兵下北荒，胡馬欲南飲。橫歌從百戰，直爲銜恩甚。  
握雪海上飡，拂沙隴頭寢。何當破月氏，然後方高枕。  
白馬黃金塞，雲砂繞夢思。那堪愁苦節，遠憶邊城兒。  
螢飛秋窓滿，月度霜閨遲。摧殘梧桐葉，蕭颯沙棠枝。  
無時獨不見，泪流空自知。

烽火動沙漠，連照耳泉雲。漢皇按劍起，還召李將軍。  
兵氣天上合，鼓聲隴底聞。橫行負勇氣，一戰淨妖氛。  
薛奇童塞下曲一首



唐詩卷之十一  
驕虜初南下烟塵暗國中獨召李將軍夜開耳泉宮  
一身許明主萬里總元戎霜甲卧不煖夜半聞邊風  
胡天早飛雪芳檄多轉蓬寒雲覆水重秋氣連海空  
金鞍誰家子上馬鳴角弓自是幽并客非論愛立功

陶翰古塞下曲一首

進軍飛狐北窮寇勢將變日落塵沙昏背河更一戰  
駢馬黃金勒彫弓白羽箭射殺左賢王歸奏未央殿  
欲言塞下事天子不召見東出咸陽門哀哀淚如霰

高適塞下曲一首

君不見芳樹枝春花落盡蜂不窺君不見梁上泥秋

風始高燕不栖蕩子從軍事征戰蛾眉嬋娟守空闈  
獨宿自然堪下泪况復時聞烏夜啼

王維塞下曲二首

辛勤幾出黃花戍迢遞初隨細柳營塞晚每愁殘月  
苦邊愁更逐斷蓬驚

年少辭家從冠軍金裝寶劍去邀勲不知馬骨傷寒  
水唯見龍城起暮雲

常建塞下曲五首

鐵馬胡裘出漢營分麾百道救龍城左賢未斬兵竿  
折過在將軍不在兵



唐詩卷之十一  
玉帛朝回望帝鄉  
烏孫歸去不稱王  
天涯靜處無征  
戰兵氣銷爲日月光

北海陰風動地來  
明君祠上望龍堆  
髑髏皆是長城  
卒日暮沙場飛作灰

龍關雌雄勢已分  
山崩鬼哭恨將軍  
黃河直北千餘  
里冤氣蒼茫成黑雲

因嫁單于怨在邊  
蛾眉萬古葬胡天  
漢家此去三千  
里青塚常無草木煙

張仲素塞曲五首

三戍漁陽再渡遼  
驂弓在臂劍橫腰  
匈奴似欲知名

姓休傍陰山更射鵰

獵馬千群馬幾雙  
燕然山下碧油幢  
傳聲漠北單于  
破火照旌旗夜受降

朔雪飄飄開鴈門  
平沙歷亂卷蓬根  
功名耻計擒生  
殺直斬樓蘭報國恩

隴水潺湲隴樹秋  
征人到此淚雙流  
鄉閩萬里無因  
見西戍河源早晚休

陰磧茫茫塞草腓  
枯槁烽上暮煙飛  
交河北望天連  
海蘇武曾將漢節歸

李頎塞下曲一首

唐詩卷之十一

塞上曲

六

松齋雜本



少年學騎射勇冠并州兒直愛出身早邊功沙漠垂  
戎鞭腰下插羌笛雪中吹奮力今應盡將軍猶未知

李白塞下曲三首

五月天山雪無花祇有寒笛中聞折柳春色未曾看  
曉戰隨金鼓宵眠抱玉鞍願將腰下劍直爲斬樓蘭

又

駿馬似風颯鳴鞭出渭橋彎弓辭漢月挿羽破天驕  
陣解星芒盡營空海霧銷功成畫麟閣獨有霍嫫姚

又

塞虜乘秋下天兵出漢家將軍行虎竹戰士卧龍沙

邊月隨弓影胡霜拂劍花玉關殊未入少婦莫長嗟

李頎古塞下曲一首

行人朝走馬直指薊城旁薊城通漠北萬里別吾鄉  
海上千烽火沙中百戰場軍書發上郡春色渡河陽  
裊七漢宮柳青七胡地桑琵琶出塞曲橫笛斷君腸

塞外

鄭愔塞外三首

塞外蕭條望征人此路賒邊聲乱朔馬秋引動胡笳  
遙障侵歸日長城帶晚霞斷蓬飛古戍連馬聚寒沙  
海嶺雲無葉山春雪作花丈夫期報主萬里獨辭家



又

荒壘三秋夕窮郊萬里平  
海陰凝獨樹日氣下連營  
戎旆霜疑重邊裘夜更輕  
將軍獨轉戰都尉不成名  
折柳悲春曲吹笳斷夜聲  
明年塞使返須築受降城

又

陽鳥南飛夜陰山北地寒  
漢家征戍客年歲在樓蘭  
玉塞朔風起金烏秋日圍  
邊聲入鼓吹霜氣下旌竿  
海外歸書斷天涯旅髮殘  
子卿猶奉使恒向節旄看

沈佺期塞北一首

胡騎犯邊埃風從丑上來  
五原烽火急六郡羽書催

冰壯飛狐冷霜濃候鴈哀  
將軍朝授鉞戰士夜銜枚  
紫塞金河裏葱山鉄勒隈  
蓮花秋劒發桂葉曉旗開  
秘畧三軍動妖氛百戰催  
何言投筆去終作勒銘回

出塞

杜甫前出塞九首

戚戚去故里悠悠赴交河  
公家有程期亡命嬰禍羅  
君已富十境開邊一何多  
棄絕父母恩吞聲行負戈

二

出門日已遠不受徒旅欺  
骨肉恩豈斷男兒死無時  
走馬脫轡頭手中挑青絲  
捷下萬仞岡俯身試搴旗



三

磨刀烏咽水水赤刀傷手欲輕腸斷聲心緒亂已久  
丈夫誓許國憤惋復何有功名圖騏驎戟骨當速朽

四

送徒既有長遠戍亦有身生死向前去不勞吏怒嘆  
路逢相識人附書與六親哀哉兩決絕不復問苦辛

五

迢迢萬餘里領我赴三軍軍中異苦樂王將寧盡開  
隄河見胡騎倏忽數百群我始爲奴僕幾時樹功勛

六

挽弓當挽強用箭當用長射人先射馬擒賊先擒王  
殺人亦有限列國自有疆苟能制侵凌豈在多殺傷

七

驅馬天雨雪軍行人高山逕危抱寒石指路曾冰間  
已去漢月遠何時築城還浮雲暮南征可望不可攀

八

單于寇我壘百萬風塵昏雄劍四五動彼軍爲我奔  
虜其名王歸繫頸授轅門潛身備行列一勝何足論

九

從軍十年餘能無分寸功衆人貴苟得欲語羞雷同



中原有鬪爭况在狄與戎丈夫四方志安可辭固窮

杜甫後出塞五首

男兒生世間及壯當封侯戰伐有功業焉能守舊丘  
召募赴薊門軍動不可留千金買馬鞍百金裝刀頭  
閭里送我行親戚擁道周班白居易上列酒酣進庶羞  
少年別有贈含笑者吳鉤

二

朝進東門營暮上河陽橋落日照大旗馬鳴風蕭蕭  
平沙別萬幕部伍各見招中天懸明月令嚴夜寂寥  
悲笳數聲動壯士慘不驕借問大將誰恐是霍嫖姚

三

古人重守邊今人重高勛豈知英雄王出師亘長雲  
六合已一家四夷且孤軍遂使貔虎士奮身勇所聞  
拔劍擊大荒日收胡馬群誓開玄冥北持以奉吾君

四

獻凱日繼踵兩蕃靜無虞漁陽豪俠地擊鼓吹笙竽  
雲帆轉遼海粳稻來東吳越羅與楚練照耀輿臺軀  
主將位蓋崇氣驕凌上都邊人不敢議議者死通衢

五

我本良家子出師亦多門將驕益愁思身貴不足論



躍馬二十年恐辜明主恩坐見幽州騎長驅河洛昏  
中夜間道歸故里但空村惡名幸脫免窮老無兒孫  
賈至出塞一首

萬里平沙一聚塵南飛羽檄北來人傳道五原烽火  
急單于昨夜寇新秦

王昌齡出塞行四首

白花原頭望京師黃河水流無盡時窮秋曠野行人  
絕馬首東來知是誰

二

秦時明月漢時關萬里長征人未還但使龍城飛將

在不教胡馬度陰山

三

音書度絕白狼西桃李無顏黃鳥啼寒鴈春深歸去  
盡出門腸斷草萋

四

關城榆葉早踈黃日暮雲沙古戰場表請廻軍掩塵  
骨莫教兵士哭龍荒

楊炯出塞一首

塞外欲紛紜雌雄猶未分明堂占氣色華蓋辨星文  
二月河魁將三千太乙軍丈夫皆有志會是立功勳



唐詩苑 卷之十一 邊塞 十一 沈佺期出塞一首

十年通大漠萬里出長平  
寒日生戈劍陰雲拂旆旌  
飢烏啼舊壘疲馬戀空城  
辛苦臯蘭北胡塵掩漢兵

蘇頲出塞一首

海外秋鷹擊霜前  
旅雁歸邊風思鞞鼓  
落日慘旗麾  
浦暗漁舟入川長  
獵騎稀客悲逢薄暮  
况乃事戎机

竇威出塞一首

匈奴屢不平漢將欲縱橫  
看雲方結陣却月始連營  
潛軍渡馬邑揚旆掩龍城  
會勒燕然石方傳車騎名

王維出塞一首

居延城外獵天驕  
白草連天野火燒  
暮雲空磧時驅馬  
秋日平原好射鵬  
護羌校尉朝乘障  
破虜將軍夜渡遼  
玉靶角弓珠勒馬  
漢家將賜霍嫖姚

虞世南出塞一首

上將三畧遠元戎九命尊  
緬懷古人節思酬明主恩  
山西多勇氣塞北有遊魂  
揚桴上隴坂勒騎下平原  
誓將絕沙漠悠然去玉門  
輕齎不遑舍警策驚戎軒  
凜北邊風急蕭七征馬  
煩雪暗天山道冰塞交河源  
霧鋒黯無色霜旗凍不翻  
耿介倚長劍日落風塵昏

張易之出塞一首



俠客重恩光  
驄馬飾金裝  
警聞傳羽檄  
馳突救邊荒  
轉戰磨笄地  
橫行戴斗鄉  
將軍占太白  
小婦怨流黃  
騾褭青絲騎  
娉婷紅粉妝  
一春鶯度曲  
八月鴈成行  
誰堪坐秋思  
羅袖拂空床

駱賓王早秋出塞寄東臺詳政學士一首

促駕逾三水  
長駘望五原  
天街分斗極  
地理接樓煩  
溪月明關隴  
胡雲聚塞垣  
山川殊物候  
風壤異涼溫  
戍古秋鹿冷  
沙寒宿霧繁  
昔余迷學步  
投迹忝詞源  
瀛島延蘭閣  
蓬山欵禁園  
影纓陪綬冕  
載筆偶瓊璣  
汲塚寧詳蠹  
秦牢詎辨冤  
一朝從篚服  
千里駕輕軒

鄉夢隨魂斷  
邊聲入聽喧  
南圖終歛翮  
北上遽摧轅  
弔影慙連茹  
浮生倦觸藩  
數奇何以托  
桃李自無言

陳子昂送別出塞一首

平生聞高義  
書劍百夫雄  
言登青雲去  
非此白頭翁  
胡兵屯塞下  
漢騎厲雲中  
君為白馬將  
腰佩騂角弓  
單于不敢射  
天子佇深功  
蜀山余方隱  
良會何時同

入塞

劉希夷入塞一首

將軍陣虜圖  
邊務息戎机  
霜雪交河盡  
旌旗入塞飛  
曉光隨馬度  
春色伴人歸  
課績朝明主  
臨軒拜武威



唐詩類苑 卷之十一 送張說巡邊

玄宗送張說巡邊一首

端拱復垂裳長懷御遠方股肱申教義戈劍靖要荒  
命將綏邊服雄圖出廟堂三台入武帳八座起文昌  
寶胄匡韓主華宗輔漢王茂先慚博物平子謝文章  
盡節恢時佐輸誠禦寇場三軍臨朔野駟馬即戎行  
鼓吹威夷狄旌軒溢洛陽雲臺先著美今日吏貽芳

張說巡邊應制一首

禮樂逢明主韜鈴用老臣恭憑神武策遠御鬼方人  
供帳榮恩餞山川喜詔巡天文日月麗朝賦管絃新

勁志傳三畧衰材謝六鈞膽猶忠作伴心故道爲隣  
漢保河南地胡清塞北塵連年大軍後不日小康辰  
劍舞輕離別歌酣忘苦辛從來思博望許國不謀身

徐堅奉和聖製送張說巡邊一首

至德撫遐荒神兵赴朔方帝思元帥重爰擇股肱良  
累相承安世深籌協子房寄崇專斧鉞禮備設壇場  
鼙鼓喧雷電戈劍凜風霜四駢并戒道十乘啓先行  
聖錫如常錫天光曜寵光出郊開帳飲寅餞盛離章  
雨濯梅林潤風清麥野涼燕山應勒頌麟閣佇名揚

席豫奉和聖製送張說巡邊一首



聖帝重兵權分符屬大賢中軍從執政丞相復巡邊  
翕習戎裝動張皇廟畧宣朝榮承睿禮野餞轉行旃  
亭障東緣海沙塲北際天春冬見嚴雪朝夕候風煙  
已勒燕山頌猶聞邊戍篇五營將月合八陣與雲連  
經畧圖方遠懷柔道更全歸來盡麟閣藹七武功傳  
崔禹錫奉和聖製送張說巡邊一首

供帳何煌七公其撫朔方群寮咸餞酌明主降離章  
閑塞重門下郊岐禁苑傍練兵宜雨洗卧鼓候風涼  
炎景寧云憚神謀肅所將旌搖天月迴騎入塞雲長  
赫赫皇威振油油聖澤滂非惟按車甲兼以正封疆

叱咤陰山道澄清瀚海陽虜垣行決勝台座佇爲光

蘇晉奉和聖製送張說巡邊一首

方漢比周年興王合在宣亟聞降虜拜復覩出師篇  
祈父萬邦式英猷三畧傳筭車申夏政芟舍啓戎田  
嚴問盟胡苑軍容濟洛川皇情悵閑旆詔餞列郊筵  
路接禁園草池分御井蓮離聲軫去角告念斷歸蟬  
三捷豈云尔七擒良信然具寮誠寄望奏凱秋風前

王翰奉和聖製送張說巡邊一首

紫綬尚書印朱駟丞相車登朝身許國出壺將辭家  
不憚炎蒸苦親嘗走集賒選徒軍有令誓卒爾無譁



帝樂風初起王城日半斜寵行流聖作  
負餞照台華騎歷河南樹旌搖天北沙  
柔懷憊盡服嚴殺已先加業峻靈祇  
保功成道路嗟寧知鑿空使遠致石  
榴花

宋璟奉和聖製送張說巡邊一首

帝道薄存兵王師尚有征是閑司馬  
法爰命總戎行畫闔崇威信分麾盛  
寵榮聚觀方結轍出祖遂傾城聖酒  
江河潤天詞象緯明德風邊地偃勝  
氣朔雲平宰國推良噐爲軍挹壯聲  
至和常得體不戰即忘精以智泉寧  
竭其徐海自清遲還廟堂坐贈別故  
人情

源乾曜奉和聖製送張說巡邊一首

匈奴近河朔漢地初戎旅天子擇英  
才朝端出監撫流星下閭闔寶鉞專  
公輔禮物生光輝宸章備恩詔有征  
視劔戟制勝唯樽俎彼美何壯哉桓  
桓擗斯舉聲華振臺閣功德標文武  
奉國知命輕忘家以身許安人在勤  
恤保大殫襟腑此外無異言同情報  
明主

張嘉貞奉和聖製送張說巡邊一首

天錫我宗盟元戎付夏卿多材兼將  
相必勇獨橫行經緯稱人傑文章作  
代英山川看是陣草木想爲兵不待  
河冰合猶防塞月明有謀當繫醜無  
戟且綏氓閩外專三畧雲中冀一平  
感恩同義激悵別屢魂驚



唐詩類苑 卷之十一 邊塞 十六 楊齋題本  
直視前旌掣遙聞後騎鳴還期方定日復此出郊迎

盧從願奉和聖製送張說巡邊一首

上將發文昌中軍靖朔方占星引旌節擇日拜壇場  
禮樂臨軒送威聲出塞揚安邊俟帷幄制勝在巖廊  
鼓作將軍氣醪投壯士觴戒途遵六月離贈動三光  
槐路清悔暑蘅臯起麥涼昭文仰雄伯耀武鎮遐方  
衽席知無戰兵戈示不忘佇聞歌杖杜凱入繫名王

徐知仁奉和聖製送張說巡邊一首

聖德膺三統皇威被八埏大明均照物小醜未寧邊  
國相台衡重元戎廟畧宣紫泥方受命黃石乃推賢

問罪陰山下安人屬國前度関行照月乘障坐消烟  
北闕紆黃藻南橋列阻筵耀威當夏日殺氣指秋天  
鞞鼓鼙囂振旌旗鳥獸懸由來詞翰手今見勒燕然

王光庭奉和聖製送張說巡邊一首

賢相德符克朝推文武雄海波先若鏡関草預從風  
鉞助將軍勇威成天子功瓊章九霄發錫宴五衢通  
玉輶龍盤帶金裝鳳勒驄虎豹紛儼七河落震熊熊  
戈劔千霜白旌旗萬火紅示刑夷夏變流惠鬼神同  
寇息軍容偃塵銷朔野空用師敷禮樂非是爲徇戎

張九齡奉和聖製送張說巡邊一首



宗臣事有征廟筭在休兵天與三台座人當萬里城  
朔南方偃革河右誓揚旌寵錫從仙禁光華出漢京  
山川勤遠畧原隰軫皇情爲動薰琴唱仍題寶劍名  
威風六郡勇計日五戎平山甫歸應疾留侯功復成  
歌鍾旋可望枕席豈難行四牡何時入吾君憶履聲

崔日用奉和聖製送張說巡邊一首

軒相催風后周官重夏卿廟謀能允迪韜畧又縱橫  
吉日四黃馬宣王六月兵擬清雞鹿塞先指朔方城  
列將懷威撫匈奴畏盛名去當推轂送來佇出郊迎  
絕漠蓬將斷華筵橫正榮壯心看舞劍別緒應懸旌

睿錫承優旨乾文復寵行斃勞期永逸赫矣振天聲  
賀知章奉和聖製送張說巡邊一首

荒憬肅懷忠梯航已自通九功雖不戰五月尚持戎  
遣戍徵周牒恢邊重漢功選車命元宰授律取文雄  
胄出天弧上謀成帝幄中詔旂分夏物專土錫唐弓  
帳宿伊川右鉦傳晉苑東饗人藉蕢實樂士理絲桐  
岐陌涵餘雨離川照晚紅恭聞詠方叔千載舞皇風

玄宗送王駿巡邊一首

振武威荒服揚文肅遠墟金壇申將禮玉節受軍符  
免胄二方外銜刀萬里餘昔時吳會靜今日虜庭虛



分閫仍推轂援桴且訓車風揚旌旆遠雨洗甲兵初  
坐見台階謚行聞袂袂除檄來雖挿羽箭去亦飛書  
舟楫功須著鹽梅望匪疎不應陳七德欲使化先敷

張說奉和聖製送王峻巡邊應制一首

六月歌周雅三邊諭夏卿欲施攻戰法先作簡稽行  
禮樂知謀帥春秋識用兵一勞堪定國萬里卽長城  
策有和戎利威傳破虜名軍前雨灑道樓上月臨營  
別藻瑤華降同衣錦褱榮關山由義近戈甲爲恩輕  
絲竹路傍散風雲馬上生朝廷讌吉甫邦國望昇平

張九齡奉和聖製送王峻巡邊應制一首

漢相推人傑殷宗伐鬼方還聞出將重坐見卽戎良  
上策應爲豫中權且用光令申兵氣裕威勝虜魂亡  
樹比公孫大城如道濟長夏雲登隴首秋露泫遼陽  
武德舒宸睠文思餞樂章感恩心旣許激節膽猶嘗  
祖帳傾朝列軍麾駐馬傍詩人何所詠尚父欲鷹揚  
張說巡邊河北作二首

去年六月西河西今年六月北河北沙揚積路何爲  
爾重氣輕生如許國人生在世能幾時壯年征戰髮  
如絲會待安邊報明主作頌封山也未遲

撫劍空餘勇彎弧遂無力老去事如何據鞍長嘆息



唐詩類苑卷之二十一 護邊  
故交索將盡後進稀相識獨憐半死心尚有寒松直  
護邊

李嶠餞薛大夫護邊一首

荒偶時未通副相下臨戎授律星芒動分兵月暈空  
犀皮擁青橐象齒飭彫弓決勝三河勇長驅六郡雄  
登山窺代北屈指寄遼東佇見燕然上抽毫頌武功

孫逖送趙大夫護邊一首

外域分都護中臺命職方欲傳方廟畧先取劇曹郎  
已佩登臺印猶懷伏奏香百壺開詔餞四牡誠戎裝  
青海連西掖黃河帶北涼關山瞻漢月戈劍宿胡霜

體國才先著論兵策復長果持文武術還繼杜當陽

唐詩類苑第二十一卷終







